



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Rebvs Gestis Beati Aloysii Gonzagæ E Societate Iesv

Marchetti, Annibale

Florentiæ, 1687

Sereniss. Principi Io. Gastonio Ab Hetrvria Annibal Marchettvs Salvtem.

urn:nbn:de:hbz:466:1-43962

SERENISS. PRINCIPI
IO. GASTONIO
AB HETRVRIA
ANNIBAL MARCHETTVS
SALVTEM.



Loysij Gonzagæ vitam,
Serenissime Princeps ,
nuper a me conscriptā
si dono tibi dare volue-
rim , planè crediderim
auferre . Donari enim tibi quod tuū
optimo iure sit , sine prævio furto ,
posse non censeo . Stylus quidem
meus est , sed propterea tuūs , cuius
imperio me , ac mea omnia non cœca
fors , sed provida Natura subiecit .

¶ 3

Con-

Polit. cap.
1. & c. 3. Constat enim, Philosopho in politi-
cis teste, cordatos omnes, ac pru-
dentes Viros rudium ceterorum,
(quorum in numero maximus sim,
nisi me esse intelligam) natura Do-
minios esse: quem utique dominatum
mea iamdudum voluntas, naturæ
præiudicium sequuta, suo quoque
suffragio comprobavit. Res, quas
perseguor, Aloysij sunt, qui in tua
Domo, ac Familia educatus tibi red-
dere gestit quidquid ipse de tuo est.
Heres igitur accipe absoluissimum
Christianæ integritatis exemplar tuorum
opera elaboratum, mea unius
tuæ Familiæ restitutum. Habes in eo
quem certum ad gloriam non peritu-
ram Duce sequaris, quemque sequi
gloriosius tibi futurum sit, quam
tuis Majoribus fuerit præcessisse. Il-
li enim ad gloriam iam demortuam

præ-

ptæcessere, tu sequeris, quin & seque-
ris ad immortalem . Etenim haud
me fallit , quo usque hactenus e For-
tunæ complexibus elapsus ad virtu-
tem evaseris: quo te loco ceteri suspi-
ciant: quām proximus Aloysium spe-
ctes. Verūm laudes tuas , quas hic
adscribere destinaveram, ut iudicium
meum in te patrono diligendo pro-
barem , tuus mihi pudor , laudum
ceterarum princeps & custos, abrum-
pit . Mandasti enim mihi tuæ digni-
tatis , & mei officij memor , ut a te
laudando abstinerem : libens obtem-
pero, tuas laudes faciendi , quām di-
cendi cupidior: siquidem id unū hoc
scribendi genus propositum habet ,
ut Maiorum laudes posteris lectoris
adhæreant . Si quis tamen tuę virtutis
decora hac in epistola desideret, hoc
ipsum imperium, quo mihi silentium

DA

ꝝ 4

in.

indixisti , tamquam clavem exposi-
tam indico: id enim tua omnia orna-
menta , clavis instar , & continet , &
recludit : Imò , quod mirum est ,
continendo recludit . Sileo igitur ,
atque illud unum , mea , tuaq: emol-
lumenta sequutus , tibi persuasum
maximè velim, ut si quando inter tua
studia Aloysij Vitam admiseris , eam
non oculis tantùm , verùm etiam &
gressibus , vestigia eius legendo , per-
curras . Spes enim haud dubia mihi
est , hanc eamdem Vitam per me tibi
descriptam , si non modo legeris , ve-
rùm (pro ut viro Principi licuerit)
elegeris , vixerisque , non secus tibi
cordi , ac voluptati futuram , quàm
tuam , nec secus tuam Aloysio cu-
ræ , ac sollicitudini futuram , quàm
tuam . Vale .

AD